



ЖЕҒАТТАСА шығыласты

№15 (8903)
жұма 15 сәуір
2022 ЖЫЛ

Eskeldi_eli@mail.ru

Ескелді аудандық қоғамдық-саяси, әлеуметтік-экономикалық газеті. Газет 1930 жылғы 13 қазаннан шығады.

Премьер-министр Ә.Смайлов:

БАҒА ТҰРАҚТЫЛЫҒЫН САҚТАУ - ҮКІМЕТТІҢ БАСТЫ МІНДЕТІ

◆ KULTÖBE

Үкіметтің цифрлық кеңсесінде Премьер-министр Әлихан Смайылов әлеуметтік маңызы бар азық-түлік тауарлары бағасының өсуіне жол бермеу, сондай-ақ АЭА жұмысының тиімділігін арттыру бойынша қабылданып жатқан шаралар туралы кеңес өткізді.

Сауда және интеграция министрлігінің Сауда комитетінің төрағасы Ержан Қазанбаев өткен аптада әлеуметтік маңызы бар азық-түлік тауарлары бағасының өсімі 0,9 пайызды құрағанын айтты. Пияз 7,2 пайызға, сәбіз 2,6 пайызға, қырыққабат 2,5 пайызға, картоп 2,2 пайызға, сүт 1,8 пайызға, құс еті мен айран 1,6 пайызға, қант 1,1 пайызға қымбаттады. Өңірлер бойынша бағаның ең көп өсуі Маңғыстау облысында 2 пайызға, Солтүстік Қазақстан облысында 1,9 пайызға, Ақмола және Қызылорда облыстарында 1,5 пайыздан тіркелді. Жыл басынан бері бағаның өсуі 12,4 пайызды құрады.

- Біз бөлшек сауда нысандарының рұқсат етілген сауда үстемесін сақтауы бойынша жергілікті атқарушы органдарды үйлестіруді жалғастырып жатырмыз. Мәселен, өткен аптада үй жанындағы 30,8 мың дүкенде, яғни сауда объектілерінің 73 пайызында рейдтік іс-шаралар жүргізілді. Осы аптада 231 бұзушылық анықталды. Соның нәтижесінде сауда үстемелері 25 пайызға төмендеді, - деп атап өтті Е.Қазанбаев.

Сонымен қатар «айналым схемасын» қаржыландыруды ұлғайту жұмысы өңірлерде төмен деңгейде жүріп жатқаны атап өтілді: жоспарланған 100 млрд теңгенің 58,3 млрд теңгесі ғана бөлінді. Ауыл шаруашылығы министрі Ербол



Қарашөкеев елдегі әлеуметтік маңызы бар азық-түлік қоры шамамен 643,5 мың тоннаны құрайтынын хабарлады. Қант зауыттары өнімін есепке алмағанда, шамамен 30 мың тонна қант қоры бар. Бұл ретте ел ішінде үздіксіз өндіріс қамтамасыз етілді және Үндістаннан қосымша қант көлемін жеткізуге келісімшарт жасалды.

Әкімдіктердің деректеріне сәйкес, республика бойынша картоп қоры 199 мың тоннаны, қырыққабат – 17,2 мың тоннаны, сәбіз – 43,1 мың тоннаны, пияз – 23,1 мың тоннаны құрайды.

Бәсекелестікті қорғау және дамыту агенттігінің төрағасы Серік Жұманғарин

монополияға қарсы әрекет ету шаралары туралы баяндады. 12 өңірде өнімдердің көтерме сауда субъектілеріне қатысты агенттіктің аумақтық бөлімшелері талдау жұмыстарын аяқтады, монополиялық жоғары бағаларды белгілеу фактілері бойынша 90-ға жуық сауда базарына қатысты тексеру тағайындалды.

Есептерді тыңдаған Әлихан Смайылов бір апта ішінде азық-түліктің негізсіз қымбаттауына жол берген өңірлердің әкімдеріне бұл мәселеге жеткілікті бақылау жасалмай отырғанын атап көрсетті.

2-бет

◆ 12-СӘУІР ҒАРЫШКЕРЛЕР КҮНІ

ЖҰЛДЫЗДАР ӘЛЕМІМЕН БАЙЛАНЫСТА ЕЛІМІЗ ОСАЛЕМЕС

1961 жылы 12 сәуірде дүниежүзілік-тарихи маңызы бар, адамзат тарихындағы ең ұлы оқиға болды. Юрий Алексеевич Гагариннің тізгіндеуімен Қазақстанның «Байқоңыр» айлағынан алғашқы ғарыш кемесі көкке көтерілді. Бұл – адамзат тарихындағы айтулы оқиға еді. Осылайша Юрий Гагарин – әлемнің тұңғыш ғарышкері, ал Байқоңыр – ғарыш аймағына айналды.

Сонымен бүкіл адамзат үшін жаңа дәуірді - адам басқаратын ғарышкерлік дәуірін ашты. Иә, ғарышкерлердің ерлігі мен беделі жайлы, жалпы 21-ғасырдағы ғарыштағы жаңалықтар жайлы айта беруге болады. Десек те әлемнің дастарханына ортақтаспай, өзіміздің ахуал жайлы сөз қозғасақ. Қазақ ғарышы қалай дамып келеді? Жалпы ғарыш әлемінде Қазақстанның рөлі қандай?

Бүгінде әлемде 30 ғарыш айлағы бар. Соның бірі де бірегейі - «Байқоңыр». Ғарышкерлердің қатарында қазақ батырлары жоқ емес. Қазақстан тарихы бетінде есімі алтын әріптермен жазылған үш отандасмыз бар. Олар Тоқтар Әубәкіров, Талғат Мұсабаев және Айдын Айымбетов. Қазақтан шыққан тұңғыш ғарышкер Тоқтар Әубәкіров 1991 жылы 2-қазанда Байқоңырдан «Союз ТМ-13» кемесімен ғарышқа ұшып, сол жылы 10-қазанда жерге оралды. Ал Гиннестің рекордтар кітабына енген Талғат Мұсабаев ғарышқа 3 рет ұшқан. 1994 жылы ғарышқа бірінші рет ұшқанда 126 күн ғарышта өткізген. 1998 жылы екінші рет ұшқанда 208 күн ғарышта өткізді. Гиннестің рекордтар кітабында бір айдың ішінде 5 рет, 30 сағат 8 минут ұзақтығымен ашық ғарышқа шыққаны тіркелді. 2001 жылы үшінші рет ұшқанда 8 күн ғарышта өткізді. Қазақстандық ғарышкерлердің тізімін аяқтайтын Айдын Айымбетов. 2015 жылы 2-қыркүйекте Байқоңыр ғарыш станциясынан Халықаралық ғарыш станциясына аттанды. Жұлдыздар әлемінде 10 күн болып, маңызды зерттеулер жүргізілді.

Қазақстанның ғарыш саласына дербес мемлекет есебінде маңыз беріп, осы тұрғыда бағыт-бағдарын айқындай бастағанына биыл 29 жыл. 1993 жылдың ақпан айында сол кездегі ел президенті Нұрсұлтан Назарбаевтың жарлығымен отандық ғарыш саласын дамытуға өкілетті мемлекеттік орган құрылды. Бүгінде сол «Қазғарыш» үлкен ұйымға айналған.

Ғарыштың ғаламатынан сескенбей, қазақ елінің атын шығарған үш бірдей ғарышкеріміздің бары, әрине қуантады. Десек те болашақта қазақ елі ғарыш дер жавасына айнала ма? Державаға айналу үшін әрине білікті де білімді маман керек. Ал бізде ондай мамандар бар ма? Көкейдегі жүрген өзекті сұраққа Л.Гумилев атындағы Еуразия ұлттық университетінің «Ғарыштық техника және технологиялар» кафедрасының оқытушысы Асыл-Дастан Базарбек жауап берген екен.

- Жалпы, елімізде ғарыш саласында білім беретін мамандық алғаш рет осыдан сегіз жыл бұрын ашылды. Дәлірек айтсақ, 2010 жылдың күзінен бастап. Қазақстанның екі бірдей оқу орны: Әл-Фараби атындағы Қазақ ұлттық университеті мен Алматы энергетика және байланыс университеті «Ғарыштық техника және технологиялар» мамандығы бойынша алғашқы студенттерді қабылдады. Бір жылдан соң бұл тізімге тағы да екі ЖОО кірді: Қ.И.Сәтпаев атындағы Қазақ ұлттық техникалық университеті мен Л.Н.Гумилев атындағы Еуразия ұлттық университеті. Міне, содан бері қаншама мамандар даярланып келе жатыр. Оған магистрлер мен PhD докторларын қосыңыз. Демек, еліміздегі әрбір университет қазақ ғарыш саласын дамытуға өз септігін тигізіп келеді. Ғарыш арқылы қол жеткен жетістіктер біздің өмірімізге игілік ретінде дендеп енегендігін өзіміз аңғармай қалуымыз мүмкін. Күнделікті қолданыстағы ұялы телефон мен теледидардан бастап, ғарышпен тікелей байланыс және ғылым мен техникалық даму бір орнында тұрған жоқ. Осы өркендетіп бастауында тұрған Қазақстанның болашағы жарқын. Алдағы уақытта өзіміздің мамандарымыз Ресей, АҚШ, Қытай, Бразилия, Израиль секілді ғарыштық алауыттар қатарына кіруге мүмкіндік жасар. Кім біледі, мүмкін өзіміздің түлектеріміздің арасынан болашақ Илон Маск, Сергей Королев, фон Браун секілді атыңызға айналған ғарыш саласының азаматтары шығып қалар, - дейді маман.

М.МАҚСЫМ

А.ӘЛІМЖАНОВА

◆ YRYS

КӨКТЕМГІ ДАЛА ЖҰМЫСЫ: ҚАРЕКЕТ ҚАНДАЙ?

Қазір шаруаның уақыты қат. Күн ерте жылынып, қыстың сызы кетісімен дала төсінде қыбыр-қыбыр тірлік басталып та кетті. Тырп етпей жатқаны жоқ. Қыстай техникасын сайлаған дала еңбеккерлері жер-Ана төсінде қызу еңбекте. Жылғы ырызыққа қамды бүгіннен бастамаған, несібеден құр қалады. Дәл солай. Діқандар халықтың қарны тоқ, наны көп, көйлегі көк болуы үшін тер төгеді. Еңбектенеді.

Бүгінде әлемнің қайта қозған әлемнің қыбыр тіршілігінен Ескелдінің шаруалары да қалыс қалып жатқан жоқ. Жер емген бабалардың ұрпағы, тіпті тынымсыз. Қыстай кең даланың төсі мүлгіген тыныштықта болып еді, қазір қарыс жер болса да дән себуге даярлауға ұмтылған құрыш қайратты еңбек адамы мен ол тізгіндеген техниканың дүбірінен құлақ шулайды. Құлаққа ұрған таңадай дала жоқ қазір. Тыпыр-тыпыр тірлік. Қыбыр-қыбыр қарекет.

Ескелді ауданында жалпы аумағы 53170 гектар егіс алқабы бар. Оның 21595 гектары суармалы әдіспен егін егуге қолайлы болса, 31575 гектары төлімі егінге негізделген. Яғни, тез пісетін



астыққа арналған. Аудандық ауылшаруашылығы мамандары берген мәліметке сүйенсек, біздегі шаруалар 28750 гектарға дөңді дақыл, 12343 гектарға майлы дақыл сөппек. Одан қалды халық көп тұтынатын азықтар қатарына жататын картопты 2348 гектарға орналастыру көзделсе, 1050 гектарға көкөніс және бақша дақылдары егілмек. Ауданның негізгі өнімі саналатын тәтті түбір, яғни қант қызылшасы 1800 гектарға орналастырылады деп жоспарланған. Бұл ретте бытыр күзде 7700 гектарға себілген дөңді дақылды есепке қосу қажет. Айтпақшы, тиісті саланың мамандарының сөзінше, осыныша гектарға жаңа сорттағы дақылдар егіледі екен. Сонымен қатар, басқа өңірлерде қылаң берген тұқым

тапшылығы ауданда мүлдем сезілмейді. Ал қолда бар тұқымды бабында ұстау, улау нем дәрілеу жұмыстары жүйелі жүргізіліп отыр екен. Оған қоса егінге қажетті 1057 тонна минералды тыңайтқыш ескелділік шаруалардың еңбегін еселейді. Әрі аудан әкімдігі тарапы сатып алынған тыңайтқыштың құнының 30-40 пайызын субсидиялауды қарастырып қойған.

Өткен жылы еліміздің батыс және оңтүстік өңірлерінде мал азығынан тапшылық байқалды, қарабайыр тілмен айтқанда қуаңшылық болып, төрт түлік жұлып жер қылтанақ таппай қиналды. Сол уақта аудан жұртшылығы тонналап, вагондап мал азығын құрғақшылық жайлаған өңірге жөнелткен еді. Биыл да аудан шаруалары мал азығын мол

тапшылығы ауданда мүлдем сезілмейді. Ал қолда бар тұқымды бабында ұстау, улау нем дәрілеу жұмыстары жүйелі жүргізіліп отыр екен. Оған қоса егінге қажетті 1057 тонна минералды тыңайтқыш ескелділік шаруалардың еңбегін еселейді. Әрі аудан әкімдігі тарапы сатып алынған тыңайтқыштың құнының 30-40 пайызын субсидиялауды қарастырып қойған.

Өткен жылы еліміздің батыс және оңтүстік өңірлерінде мал азығынан тапшылық байқалды, қарабайыр тілмен айтқанда қуаңшылық болып, төрт түлік жұлып жер қылтанақ таппай қиналды. Сол уақта аудан жұртшылығы тонналап, вагондап мал азығын құрғақшылық жайлаған өңірге жөнелткен еді. Биыл да аудан шаруалары мал азығын мол

ӨЗ ДЕНСАУЛЫҒЫН ӨЗ ҚОЛЫНДА

Қазіргі таңда білім беру мекемелерінің маңызды міндеттерінің бірі - өскелең ұрпақтың салауатты өмір сүруге қозғарсын қалыптастыру.

Қоршаған ортаны таза ұстайтын денсаулығына жауапкершілікпен қарайтын жастарды тәрбиелеуіміз керек. Күнделікті әдет пен денсаулық арасындағы өзара байланыс салауатты өмір салты ұғымын қалыптастырады.

Салауатты өмір салтына деген саналы көзқарас қалыптастыру темекі шегу, спирттік ішімдікке салыну, есірткі қолдану секілді зиянды әрекеттердің алдын алатын құндылық.

Тәуелсіз мемлекетіміздің тірегі болатын жастардың бойына салауатты өмір салтын сіңіру керек. Дені сау ұрпақ қана салауатты қоғамды қалыптастыра алады.

Мәселен, М.Маметова атындағы орта мектепте түрлі спорттық шаралармен қатар, салауатты өмір салтын қалыптастыратын үйірмелер де бар.

Бақыт МАЛИБЕКОВ, М.Маметова атындағы орта мектептің дене шынықтыру пәнінің мұғалімі


МЕРЕЙ ҮСТЕМ БОЛДЫ

Жуырда аудандық Мұқағали оқуларының бас жүлде иегері Аяжан Сүлей Алматы облыстық «Дарын» ғылыми-практикалық орталығының ұйымдастыруымен өткен облыстық Мұқағали оқуларына қатысып, жүлделі ІІІ орынға ие болды.



Ескелді ауданы бойынша білім бөлімі

АУДАННЫҒЫҒ ҮЗДІК ПЕДАГОГТАРЫ АНЫҚТАЛДЫ



Жуырда аудандық білім бөлімі және аудандық білім саласындағы қызметкерлері кәсіподағының ұйымдастыруымен Рүстембеков атындағы орта мектебінде жыл сайынғы аудандық «Жылдың үздік мұғалімі - 2022» байқауы өтті.

ЖАРАЙСЫҢДАР

Бірінші кезең бойынша қатысушылар портфолиосын электрондық форматта ұсынды. Бұл кезеңнің нәтижесі алдын ала қаралған соң, бірден экран арқылы көрсетілді.

Екінші кезең бойынша мұғалімдер жұмыс жүйесінің моделін, яғни жұмыс істеу барысында атқарылатын қарекеттерін таныстырды.


Төртінші кезеңде байқауға қатысушылар импровизациялық тапсырмалар орындады. Кезеңдер аяқталған соң қазылар алқасы шешім қабылдау үшін үзіліс жасады.

Бас жүлдеге ие болған жеңімпазымызға аудандық білім саласындағы қызметкерлері кәсіподағы тарапынан «Жаркент-арасан» шипажайына 5 күніне жолдама, номинация және 2-3 орын иегерлеріне ақшалай сертификаттар берілді.

Ескелді ауданы бойынша білім бөлімі

ЖЕРЛЕСТЕР ЖАРАДЫ

Үстіміздегі жылдың наурыз айының соңы мен сәуір айының басында облыс орталығында «SportFest Kazakhstan» атаулы спартакиадасы өтті.



Аудан оқушылары үстел теннисінен де ешкімге есе жібермеді. Жүлделі екінші орынды Ш.Уалиханов атындағы орта мектептің оқушысы Қ.Әнуар мен Байысов орта мектебінің оқушысы С.Дәулетұлы өзара бөліске салды.

Ескелді ауданы бойынша білім бөлімі

ORAI

ӨРКЕН

ҰЛТТЫҚ ОЙЫНДАР ҰРПАҚ ТӘРБИЕСІН ҚАЛЫПТАСТЫРАДЫ

Қазақта 150-ге тарта ұлттық ойындар барын білесіз бе? Әрине, ол ойындардың бүгінде біразы ел есінен шығып, ұмытылып кетті.

Мектеп болмаса, ұлттық сана, ұлттық ойлау, ұлттық ғылым-білім болмайды. Сондықтан келешегімізде өркендететін, тәуелсіздігімізді баянды ететін, елдігімізді әлемге танытатын ұрпақ даярлап шығару, біздің ата-баба рухы алдындағы, болашағымыз алдындағы қасиетті борышымыз.

Қазіргі таңда республика бойынша қазақтың төл ойыны – тоғызқұмалақпен шұғылданушылар саны 200 мың адамға жақындады.

Тоғызқұмалақпен тек шетелдегі қазақтар ғана емес, сонымен бірге Ұлыбритания, Швейцария, Франция, Германия, Испания, Түркия, Чехия, Ресей, Украина, Қытай, Моңғолия, Қырғызстан, Колумбия, Антигуа және Барбуда мемлекеттерінде де жергілікті халықтардың арасында ойнаушылардың саны артауда.

толық реттелмейтін жағдайлардың шешімі, ережеде қаралатын ұқсас жағдайлардың негізінде жарыстың бас төрешілер алқасының жиналысында қабылданады.

Ризабек ДӘУЛЕТКЕЛДІ, М.Маметова атындағы орта мектептің дене шынықтыру пәнінің мұғалімі

EKOLOGIA

СДЕЛАЕМ ЗЕМЛЮ ЧИЩЕ И КРАШЕ!

За последние десятилетия высокие темпы развития производства и стремление человека к комфорту привели к огромным экологическим проблемам в локальных и глобальных масштабах.

Уже второй год в средней школе имени Нурмолды Алдабергенова Ескельдинского района действует экологический отряд «Экопатруль», членами которого являются учащиеся 7-8 классов.

-проводить экологические акции; -исследовать природу родного края; -активная природоохранная работа каждого члена экологического отряда.



В прошлом учебном году отряд «Экопатруль» стал победителем в областном туре экологической игры «За природу в ответе и взрослые, и дети».

С.Г. ШУМАКОВА, О.В. ЖУКОВА, Руководители отряда «Экопатруль» учителя СШ им. Н. Алдабергенова

Ескелді ауданы бойынша білім бөлімі

